



Här Claude Wiseler
President vun der Chamber

Lëtzebuerg, den 10. Juli 2024

Här President,

Esou wéi d'Chambersreglement et virgesäit, bieden ech Iech, dës parlamentaresch Fro iwwert **eng Verlängerung vun de Grenzkontrollen zum Saarland** un den **Här Innenminister** weiderzeleeden.

Am Kader vun der Fussballeuropameeschterschaft dëse Summer huet déi däitsch Regierung decidéiert, un de Grenze provisoresch Kontrollen duerchzeféieren. Domat soll verhénnert ginn, dass gewaltbereet Fussballfans a sougenannten Hooligans oder och aner Extremiste während der Europameeschterschaft an d'Land areesen. Dës Grenzkontrolle betreffen och Lëtzebuerg, wat deelweis zu staarke Behënnerungen am Trafic an de Grenzregioune gefouert huet, och wa méttlerweil nëmmen nach Kontrollen am Territoire vun Däitschland selwer duerchgefouert ginn, an net méi op de Grenzbrécken. Dës Moosnam soll bis den 19. Juli daueren, duerno si keng Grenzkontrolle méi geplangt.

Am Saarland ginn et awer aktuell Diskussiounen iwwert eng eventuell Verlängerung vun dëse Grenzkontrollen iwwert den 19. Juli hinaus, déi besonnesch vun der Saar-FDP gewënscht gëtt. Dës wier virun allem fir Frontaliere problematesch, déi weiderhi mat staarke Behënnerunge vum Beruffstrafic a Richtung Däitschland konfrontéiert wieren.

An dësem Kontext erlaben ech mer folgend Fro un den Här Minister ze stellen:

1. **Wéi gedenkt den Här Minister sech géint eng eventuell Verlängerung vun de Grenzkontrollen anzesetzen?**

Mat déiwem Respekt,

Meris SEHOVIC
Deputéierten